

**Մաքսային միության անդամ պետությունների մաքսային
ծառայությունների միավորված կոլեգիա**

ՈՐՈՇՈՒՄ

3 հոկտեմբերի 2013 թվականի

թիվ 9/6

քաղ. Ակտաու

**Մաքսային միության անդամ պետությունների մաքսային ծառայությունների
մաքսային արժեքի հսկողության ուղղությամբ ռիսկերի պրոֆիլներ մշակելիս
ռիսկերի արժեքային ցուցիչների ձեւավորման մեթոդիկան հաստատելու
մասին**

Մաքսային միության անդամ պետությունների մաքսային ծառայությունների
միավորված կոլեգիան

ՈՐՈՇԵՑ՝

1. Հաստատել ռիսկերի արժեքային ցուցիչների ձեւավորման մեթոդիկան՝
Մաքսային միության անդամ պետությունների մաքսային ծառայությունների
կողմից մաքսային արժեքի հսկողության ուղղությամբ ռիսկերի պրոֆիլներ
մշակելիս (կցվում է):

2. Ռուսաստանի ԴՄԾ-ին (ՌԵՆՕՀՎ, Վ. Ի. Գոլոսկոկով), Բելառուսի
Հանրապետության ՊՄԿ-ին (ՍԿԵՄՎՎ, Ա.Ա. Վալիեւ) եւ Ղազախստանի
Հանրապետության ՖՆ ՄՀԿ-ին (ՌՎՎՎ, Ա. Մ. Կոլբայ)՝ ապահովել Մաքսային
միության անդամ պետությունների մաքսային ծառայությունների կողմից ռիսկերի
արժեքային ցուցիչների ձեւավորման մեթոդիկայի օգտագործումը՝ մաքսային
արժեքի հսկողության ուղղությամբ ռիսկերի պրոֆիլներ մշակելիս:

Նախագահ՝

Ա. Յու. Բելյանինով

Նախագահի տեղակալ՝

Գ.Կ. Ամրին

Բելառուսի Հանրապետության
ՊՄԿ-ի նախագահի տեղակալ,
Միավորված կոլեգիայի անդամ՝

Ս.Վ. Բորիսյուկ

Հավելված

Մաքսային միության անդամ պետությունների
մաքսային ծառայությունների միավորված
կոլեգիայի թիվ 9/6 որոշման

**Ռիսկերի արժեքային ցուցիչների ձեւավորման մեթոդիկան՝ Մաքսային
միության անդամ պետությունների մաքսային ծառայությունների կողմից
մաքսային արժեքի հսկողության ուղղությամբ ռիսկերի պրոֆիլներ մշակելիս**

1. Ընդհանուր դրույթներ

Մաքսային միության անդամ պետությունների մաքսային ծառայությունների կողմից մաքսային արժեքի հսկողության ուղղությամբ ռիսկերի պրոֆիլներ մշակելիս ռիսկերի արժեքային ցուցիչների ձեւավորման սույն մեթոդիկան մշակվել է Մաքսային միության շրջանակներում մաքսային արժեքի ուղղությամբ ռիսկերի պրոֆիլները միասնականացնելիս միասնական մոտեցումներ սահմանելու նպատակով:

Մաքսային միության մաքսային օրենսգրքին համապատասխան՝ սույն մեթոդիկայում օգտագործվում են հետեւյալ եզրույթները եւ սահմանումները՝

ռիսկի ցուցիչներ՝ նախասահմանված պարամետրեր ունեցող որոշակի չափանիշներ, որոնցից շեղումը կամ որոնց համապատասխանությունը թույլ է տալիս իրականացնել հսկողության օբյեկտի ընտրություն.

ռիսկի պրոֆիլ՝ ռիսկի ոլորտի, ռիսկերի ցուցիչների, ինչպես նաեւ ռիսկերի կանխարգելմանը կամ նվազեցմանն ուղղված անհրաժեշտ միջոցների վերաբերյալ տեղեկությունների ամբողջություն.

ռիսկի նվազեցմանն ուղղված միջոցներ՝ միջոցառումների համալիր, որը մաքսային մարմնի լիազորված պաշտոնատար անձանց կողմից որոշակի

գործողությունների կատարումն է՝ մաքսային օրենսդրության խախտումների հայտնաբերման եւ կանխարգելման նպատակով:

2. Ռիսկի արժեքային ցուցիչները ձեւավորելիս օգտագործվող տեղեկատվության աղբյուրները

Ռիսկերի արժեքային ցուցիչները ձեւավորելու նպատակով՝ Մաքսային միության անդամ պետությունների մաքսային ծառայությունների պաշտոնատար անձինք օգտագործում են տեղեկատվության հետեւյալ աղբյուրները՝

1) Բելառուսի Հանրապետության ՊՄԿ-ի, Ղազախստանի Հանրապետության ՖՆ ՄՀԿ-ի, Ռուսաստանի ԴՄԾ-ի՝ ապրանքների մասին հայտարարագրերի էլեկտրոնային պատճենների տվյալների բազաները (այսուհետ՝ ԱՀ-ների էլեկտրոնային պատճենների տվյալների բազաներ).

2) Մաքսային միության անդամ պետությունների մաքսային արժեքի հայտարարագրերի (ՄԱՀ) եւ մաքսային արժեքի ճշգրտումների (ՄԱՃ) էլեկտրոնային պատճենների տվյալների բազաները.

3) այլ պետությունների մաքսային ծառայությունների հետ տեղեկատվության փոխանակման տվյալների բազաները (համապատասխան համաձայնագրերի կնքմանը զուգահեռ).

4) ԵՄ արտաքին առեւտրի տվյալների բազան.

5) ԱՊՀ մասնակից-երկրների արտաքին առեւտրի տվյալների բազան.

6) ԱՄՀ-ի արտաքին առեւտրի արդյունքներով տվյալների բազան.

7) ՄԱԿ-ի արտաքին առեւտրի տվյալների բազան (Comtrade).

8) միջազգային առեւտրի տվյալների բազան.

9) ապրանքներ արտադրողների, արտաքին տնտեսական գործունեության սուբյեկտների, փոխադրողների եւ ապրանքների արտաքին առեւտրի

իրականացման հետ կապված այլ կազմակերպությունների եւ դրանց մասնագիտական միավորումների (ասոցիացիաների) կողմից մաքսային մարմիններ ներկայացված գնային տեղեկատվությունը.

10) ԱՀ-ի, ՄԱՀ-ի, ՄԱՃ-ի, մաքսային զինման (տեսազինման) ակտերի, ինչպես նաեւ առետրային եւ տրանսպորտային փաստաթղթերի թղթային կրիչները.

11) Մաքսային միության անդամ պետությունների ներքին շուկայում գնային առաջարկները.

12) բորսային գնանշումների տվյալները.

13) Մաքսային միության մաքսային տարածքում ապրանք արտահանող երկրների արտադրողների գնացուցակները.

14) ապրանքներ արտադրողների պաշտոնական ինտերնետային կայքերը.

15) տեղեկատուները.

16) օպերատիվ-հետախուզական գործունեության արդյունքում ստացված տեղեկատվությունը.

17) ԶԼՄ-ների տեղեկատվությունը, «Ինտերնետ» տեղեկատվական ցանցի տվյալները.

18) այլ աղբյուրներ, այդ թվում՝ սեփական վերլուծական նյութերը, տեղեկատվության անկախ աղբյուրների տեղեկությունները, շուկայական պայմանների վերլուծությունը:

3. Ռիսկի արժեքային ցուցիչների ձեւավորման չափանիշները

Ռիսկի արժեքային ցուցիչները ձեւավորվում են՝ օգտագործելով տեղեկատվության աղբյուրների վերլուծության արդյունքների փորձագիտական գնահատման մեթոդը՝ սույն մեթոդիկայի 2-րդ բաժնին եւ Մաքսային միության

անդամ պետությունների նորմատիվ իրավական ակտերին համապատասխան:

Ռիսկի արժեքային ցուցիչները ձեւավորելիս ԱՀ էլեկտրոնային պատճենների տվյալների բազաներից օգտագործվում են հետեւյալ տեղեկությունները՝

1) մաքսային ընթացակարգ՝ ապրանքի բացթողում ներքին սպառման համար.

2) ապրանքի ՄՄ ԱՏԳ ԱԱ ծածկագիրը (տեղեկություններ ԱՀ-ի 33-րդ վանդակից).

3) ապրանքի ծագման երկիրը (տեղեկություններ ԱՀ-ի 16-րդ վանդակից).

4) ապրանք ուղարկող երկիրը (տեղեկություններ ԱՀ-ի 15-րդ վանդակից).

5) ապրանքի նկարագրությունը (տեղեկություններ ԱՀ-ի 31-րդ վանդակից).

6) զտաքաշը, կգ (տեղեկություններ ԱՀ-ի 38-րդ վանդակից).

7) մաքսային արժեքը՝ արտահայտված ԱՄՆ դոլարով՝ հաշվի առնելով ՄԱՃ-ը եւ ԱՀՃ-ն (տեղեկություններ ԱՀ-ի 45-րդ վանդակից).

Սեզոնային ապրանքների առնչությամբ ռիսկի արժեքային ցուցիչներ ձեւավորելիս օգտագործվում է ԱՀ-ի էլեկտրոնային պատճենների տվյալների բազայի տեղեկատվությունը՝ որոշակի ժամանակահատվածի (սեզոնի) համար:

Ռիսկի արժեքային ցուցիչներ ձեւավորելիս օգտագործվում է մաքսային արժեքի ինդեքսը՝ ապրանքի կիրգրամի կամ չափման լրացուցիչ միավորի արժեքը (ԱՄՆ դոլարով) (կախված ռիսկի պրոֆիլով սահմանված չափման միավորից):